

TU IMPLES TOT

tiengo n'as mans una fuella de paper en blanco
podrí emplir-la con todas as colors de l'arco de sanchuan
u con imachens de selvas d'agüerro e o cielo per dalto
escribir-ie parolas como ninón chicorrón cardelina pardal
colors selvas e parolas que enta tu me levan
pero no la me miro la chiro e no toco a fuella
pero n'ela remane vivo encá que invisible
tot o que siento n'istes momentos en que tu dentras
e a estancia se torna campo ubierto río que blincando baixa
aire agua chelo nieu boira dorondón rosada
e me deixo perder n'ixa barafunda d'emocions que en yo dispiertas

Ánchel Conte